



宛陵先生集目錄卷第四十三

和郭祥正見懷

採石月贈郭功甫

和郭秘校苦寒

和郭秘校偶作

送功甫還青山

送鄧生

送才上人

樂棊子示新詩

曹虞部浩然堂

紅梅篇

和正仲見招

寄送吳通判

正仲求紅梅

初聞蛙

百舌山寄樹蘇

萬表臣報梅

隱靜山寄樹種

補題善惠禪齋

送萬殿丞虔州

野望

泛溪

春陰

新燕

梨花

新笋

海棠

正仲遺蟹

老馬

自詠

鸚鵡

曉

朝二首

宣州雜詩二十首

打鴨

暝

夜

東溪

呂大監餉鱖魚

香鑪

茶磨

送白珙秀才

送閻丘殿丞

獻甫過

目錄終

宛陵先生集卷第四十三

宋宛陵梅堯臣聖俞著

依韻和郭祥正秘校遇雨宿昭亭見懷

君乘瘦馬來骨竦毛何長下馬與我語滿屋聲
琅琅一誦廬山高萬景不得藏出沒望林寺遠
近數鳥行鬼神露怪變天地無炎涼設令古畫
師極意未能詳誦說冒雨去夜宿昭亭傍明朝
有使至寄多驚俗章

郭來誦歐陽永叔廬山高送劉復

採石月贈郭功甫

採石月下聞謫僊夜披錦袍坐釣船醉中愛月
江底懸以手弄月身翻然不應暴落饑蛟涎便
當騎魚上青天青山有冢人謾傳却來人間知
幾年在昔熟識汾陽王納官貫死義難忘今觀
郭喬竒俊郎眉目真似攻文章死生往復猶康
莊樹穴探環知姓羊

依韻和郭秘校苦寒

噫風鳴悲鳶鳴哀雨霰枯木爲之摧昭亭山頭
野火滅海水夜凍迷蓬萊燭籠以爪自掩耳酒

盞生冰拈不起陶潛棄官屋無米兒嚎妻啼付
隣里

依韻和郭秘校昭亭山偶作

知君棄官後江上尋名山心旣慣世內迹欲還
人間昭亭忽來過覽古興長歎野寺拂塵壁丹
陽已爛煇殿角虛寶鐸微風聲珊珊遺像與筆
蹟始得觀裴顏淺井何泠泠前溪何潺潺幽幽
隨猿鳥渾渾忘區寰裂裳不爲媿餌芝不爲難
坐對寒雨中松上孤鶴還

送郭功甫還青山

來何遲遲去何勇羸馬寒僮肩竦竦昨日棄爲
梅福官扁舟早勝大夫種負經不歇關山遙訪
我猶將歲月恐得言會意若秋鷹反翅歸飛輕
飽飜明朝到家年始開椒花壽酒期親捧何當
交臂湏強行莫作區區事丘壠

送鄧生

哀哀彼鄧子扶柩歸長沙朝暮哭失聲驚聒墻
上鴉飛去復飛還相與棲水涯卜葬不當緩早

晚能到家

送才上人還雪竇寄達觀禪師

春雪滿蓑笠海邊先鷺歸千林新改葉百衲舊
來衣谿水從何至山雲自解飛報言巖下客齋
鉢筍應肥

樂掾自淮南廻示新詩

淮南歷覽還宣城囊多嘉句何冰清入門先叫
十年兄袖中大卷持來評我雖暗愚眼不盲要
識合如劉長卿舉頭不言笑且驚此兄議論頗

稱情我亦感君知我名阮籍從呼作老兵

蘇州曹琰虞部浩然堂

姑蘇臺上麋鹿嚎夫差城中樓觀高荒榛盡已
付明月萬古憤怒空秋濤吳亡越霸能幾日後
世擾擾猶鴻毛孟軻善養浩然氣充塞天地無
饑咨慕而爲堂亦有意不學屈子成離騷

紅梅篇

昨夜輕雷起風雨芍藥紅牙竹欄土南庭梅花
如杏花東家殘朱塗頰醜萼爲裳衣藥爲組枝
爲高居榦爲戶蛺蝶未生蜂未來赤身掩斂無
金縷終然有子當助傳說羹落亦不學飛燕皇
后迴風舞此意又笑麻姑與王母勾引何人擗
麟脯是非方朔謾漢武只知此桃不知語樹不
着口數而今言之已莫補放我渾丹鳳皇羽

依韻和吳正仲聞重梅已開見招

難開密葉不因寒誰翦鵝兒短羽攢猶是去年
驚日艷不知從此幾人觀重重好藥重重惜日
日攀枝日日殘我爲病衰方止酒願攜茶具作

清歡

寄送吳公明屯田通判秦州

一聞春禽婆餅焦竹林山木生蕭條憶君將向
洛門去胡馬無塵塞路遙將軍本是漢丞相玉
帳坐辨牙旗臬白面書生有肝膽少年曾過咸
陽橋今雖老病由廬巷爲報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄
歸客翦接如交情本末不相隔明年舉酒時醉

頰生微赤

初聞蛙

朝開南籬梅暮聞北池蛙何時科斗生草根已
吐牙只畏草葉長其下可隱地游子且勿行科
斗成蝦蟇

百舌

一冬常噤默乘春何多舌蒼毛無文章尖喙苦
騰說曉升高高樹百鳥言漏泄只未聞鳳皇有
亦學不徹傷哉古辯士往往遭車裂

萬表臣報山傍有重梅花葉又繁諸君
往觀之

前時見多葉曾何數尋常今見葉又多移賞南
澗陽寄言莫苦恃更多殊未央

去臘隱靜山僧寄榷樹子十二本栢樹
子十四本種於新墳

栢栢移皆活風霜不變青冢垣雖閒寂田客每
丁寧不待爲書几常流作鬼庭東邊夾路少更
致儻能令

補題東都善惠師禪齋

香象紅蕖坐花盆白石臺上公金印去王子玉
駒來心是寒餅水明無寶境埃世人何擾擾時
爲一言開

送萬殿丞虔州安遠軍

新雷動江雨百鳥響溪巖逆水送行客順風催
挂帆過山唯廟敬團飯與鳥銜太守雖憐舊湏
防有嫉讒

野望

新晴宜野望最愛是山前
遠近花兼竹高低水拍田
呼名鳥無數問姓客多年
此地春耕晚吳牛樹底眠

泛溪

中流清且平捨楫任船行
漸近鷺猶立已遙村覺橫
何妨綠樽滿不畏晚風生
屈賈江潭上愁多未適情

春陰

雲壓花房冷風開柳絮遲
幽人宿醒在靜館書

眠時欲雨天無雨將絲鬢
未絲孔融過五十歲月已堪悲

新鷺

前時春社畢今日鷺來飛
將補舊巢缺不嫌貧屋歸
嚙泥和草梗側翅過柴扉
豈比鷺丸雀迎人欲拂衣

梨花

處處梨花發看看鷺子歸
園思前法部淚濕舊宮妃
月白鞦韆地風吹蛺蝶衣
強傾寒食酒漸

老覺歡微

新筍

挑筍春雷後晴坡過雨時何言江外早已比洛陽
遲園客自偷賣主人那得知徒令養新竹待與作藩籬

海棠

要識吳同蜀須看線海棠燕脂色欲滴紫蠟帶
何長夜雨偏宜着春風一任狂當時杜子美吟
徧獨相忘

二月七日吳正仲遺活蟹

年年收稻賣江蟹二月得從何處來滿腹紅膏
肥似髓貯盤青殼大於盃定知有口能噓沫休
信無心便畏雷幸與陸機還往熟每分吳味不
嫌猜

老馬

馬御史所留

吳人惜燕駿燕馬卧吳家毛骨從前貴關山欲
去賒草深閑楚澤力盡憶胡沙御史乘來久時
逢避路駟

自詠

閉戶無還往端居廢禮容
花爲貧富燄鷺是舊
過從持屐對人蠟綻衣
看婦縫非同叔夜傲切
莫怪踈慵

鸚鵡

一入秦宮去千山隴樹秋
能言依婦女學語類
俳優玉鑠閑拘束金籠
不自由哀良是黃鳥死
爲穆公差

曉

烏蟾不出海天地無明時
萬國睡未覺一聲雞
已知樹頭星漸沒枝上
露應垂人世紛紛事勞
勞只自爲

朝二首

鷺鴨出欄去兒童臨水驅
欲開花泫露聚噪鳥
窺厨秣馬刈青草買薪
嫌五銖錢刀豈今古村
叟一何愚

木鑠初開水上城竹籬深
閉日光生青苔井畔
雀兒鬪烏白樹頭鴉舅
鳴世事但知開口笑俗

情休要着心行是非不道任挑撻唯憶當時阮
步兵

宣州雜詩二十首

昭亭萬仞山古廟半山間
賽雨使君去釣潭漁父閑
蕨肥巖向日竹暗壠連關
北望高樓上南飛鳥自還

三洲灘口急兩水渡頭來
下過

淵聖名

桓彝宅上

通嚴子臺潺湲瀉寒月
滉漾照春梅白鷺驚馬起
處魚多見底迴

一過響山畔常思路中丞
開亭宴貔虎制賊象冰蠅
舊刻多磨滅今人少有稱
茸茸春草長時有牧牛登

伍員奔吳日蒼皇及水濱
彎弓射楚使解劍與漁人
抉目觀亡國鞭尸失舊臣
猶爲夜濤怒來往百川頻

每見昭亭壁高瓌筆墨存
丹青虛格裏雲霧碧紗痕
鳥屎常愁污蟲絲幾爲捫
貴來曾改觀世故有誰論

信讒多見逐伐國豈無仁屈子行江畔昭王問
水濱包茅曾責貢香草自持紉莽蒼山川在漁
歌屬野人

項籍路由此力豪聞拔山八千提楚卒百二破
秦關

咳下圍歌合江頭匹馬還却思諸父老相見亦
何顏

細雨春岡滑無因駐馬蹄裘單懷後侶風急過
前溪近寺聞魚鼓穿林聽竹雞田家春正急炊

飯待鋤犁

古有琴高者騎魚上碧天小鱗隨水至三月滿
江邊少婦自撈擁遠人無弃捐憑書不道薄賣
取青蚨錢

諸葛又精妙已能聞國都紫毫搜老兔蒼鼠拔
長鬚露筦何明淨煙丸事染濡班超投此去死
作玉關夫

大實木瓜熟壓枝常畏風帖花先漏日噴露漸
成紅青箬包山舍馳心奉漢宮誰將橐駝載辛

苦向驕戎

竿頭注腐鼠水次野蜂知每視銜飛翅因薰劓
取俾絳囊千里道乾螭百鈞馳盡入公侯第雕
盤助酒卮

高林似吳鴨滿樹蹊鋪鋪結子繁黃李炮仁瑩
翠珠神農本草闕夏禹貢書無遂壓葡萄貴秋
來徧上都

鳥命若楊葉夜棲雞翼間情知羽毛薄自禦雪
霜難相託爲溫燠終非學附攀猶勝居鶻握憂

懼得生還

柳子厚鶻說云

高齋謝公歿此地卽危樓不改窻中岫無停川
上舟壁陰綠薜荔城暝笑鵝鷓萬井曉煙合素
霓橫樹頭

北客多懷北庖羊舉玉卮吾鄉雖處遠佳味頗
相宜沙水馬蹄鼈雪天牛尾狸寄言京國下能
有幾人知

五月黃梅肥終朝密雨微綠苔侵竹閣潤氣衰
人衣背隴霑牛去啣蟲濕鷺歸高山發瀑水夜

漲入吾扉

斫漆高崖畔千箇不一盈野糧收橡子山屋點
松明只見樹堪種曾無田可耕兒孫何所樂向
此是平生

傳道零陵守茲亭暫解裝分羣同鴈鶩幾日到
瀟湘斑竹思虞舜蘋萍憶楚王殷勤吏部句今
亦誦無忘

宛水過城下滔滔北去斜遠船來橘蔗深步上
魚蝦鶩美冒椒葉蜜香聞稻花歲時風俗美笑

殺異鄉槎

打鴨

莫打鴨打鴨驚鴛鴦鴛鴦新自南池落不比孤
洲老禿鶴禿鶴尚欲遠飛去何况鴛鴦羽翼長

暝

杳杳鍾初發昏昏戶閉時巢禽投樹盡疲馬入
城遲醉唱眠茆屋燒光透槿籬荷鋤休帶月亭
長豎毛眉

夜

日從東溟轉夜向西海沉羣物各已息衆星燦
然森蝦蟆將食月魑魅爭出陰阮籍獨不寐徘徊
起彈琴

東溪

行到東溪看水時坐臨孤嶼發船遲野鳥眠岸
有閑意老樹着花無醜枝短短蒲茸齊似翦平
平沙石淨於篩情雖不厭住不得薄暮歸來車
馬疲

呂大監餉鯊魚十尾

日暖揚花四散開江邊鯊魚無數來伊魴洛水
不堪憶丙穴漾陂何可哈賀監休思鏡湖去應
知李白跨鯨迴

香鑪李獻甫惠

鐵鑄小香爐壁環平口鋪麝焚葵葉大獸齧竹
根跌淨几羣書外閑堂一物無中間任灰燼終
與蕙蘭俱

茶磨二首

楚匠斲山骨折檀爲轉臍乾坤人力內日月蟻

行迷吐雪誇春茗堆雲憶舊溪北歸唯此急藥
白不須擠

盆是荷花磨是蓮誰龔麻石洞中天欲將雀舌
成雲末三尺蠻童一臂旋

得自三天
洞吳氏

送白珙秀才

谿上桃花發山前桂舸移水流過峽急風逆出
江遲南國魚蝦馱東都夢寐思逢人若有問不
似在朝時

送閻丘殿丞

每有西歸客誰無滿袖詩都忘將別意競媚向
官資憑在屋頭月照君牆上旗不同山一定更
遠更相隨

獻甫過

幾樹桃花夾竹開阮家閭巷長春苔啓扉索馬
送客出忽覺青紅入眼來

宛陵先生集卷第四十三

宛陵先生集目錄卷第四十四

寄維陽許待制

紫微亭

聞臨淄公薨

吳正仲遺二物

和張主簿見贈

送正仲娶倅待闕

再送正仲

鐵獺

送回上人

送徐尉罷任歸

志來上人寄醪醖

聞鶯

杜鵑

和李察推留別

送李節推

新開墳路

送鄒秀才游浙

張十遺牡丹

和唐彥猷十詠

李獻甫遺椰子

時魚

烏賊魚

和行之枇杷

和行之紅梅

送王尉罷任歸京

南陵息亭藻閣

讀問月

雨中飲

和季野游山門寺

目錄終

宛陵先生集卷第四十四

宋宛陵梅堯臣聖俞著

寄維陽許待制

當時未叔在揚州中秋待月後池頭約公準擬
與我敵是夜二雄張利矛我時小却避其銳風
愁雨阻嫦娥羞主人持出紫石屏上有朏鬼桂
樹婆娑而枝虬作詩誇詫疑天公愛惜光彩向
此收四坐稽顙歎辯敏文字響亮如清球更後
數日我北去相與送別城門樓誰知康成能飲

酒一飲三百盃不休雞鳴各自便分散山光寺
側停畫舟我來謁公公未起卧索大白湏扶頭
而今倏忽已八載公領府事予居憂歐陽始是
玉堂客批章草詔傳星流問公可憶羊叔子雖
在軍中常緩帶而輕裘寄聲千里能信不

紫薇亭

在池州

江雲如旗脚墨點飛鴈行平圃采芳菊上水酌
桂漿爲言此何時杜子逢重陽醉思莊生達哂
彼齊景傷至今孤亭間獨有九日章昔我來齊

山山僧迎道傍騎馬到寺門亂石屹若墻值雨
不徧歷但取山泉嘗牧之舊游處苔滑屐莫將
却返弄水涯隔溪望青蒼絕頂見茅屋洪波日
湯湯雲霞與鴈鷺還動秋客腸去逾十五年游
宦韓陳梁哀哀遘禍殃乃再居南方欲往尚未
可追吟寄支郎

聞臨淄公薨

至和癸巳十二月兮友人語我火犯房芒射鉤
鈴而拂上相兮禍非弼臣誰可當昨日聞太宰

悟天道而畏忌兮歸卧其第三拜章太宰旣不
得請而賜黃金百兩以爲壽兮諫官御史猶擊
強明年孟陬臨淄公薨兮果然邦國橈棟梁豈
無神醫善藥以起疾兮固知稟命有短長公自
十三歲而先帝兮謂肖九齡宜相唐後由石渠
鳳閣禁林以登樞兮俄佩相印居廟堂出入藩
輔留守兩都兮其民詠歌盈康莊官爲喉舌勲
爵一品兮經筵講義尊蕭匡年踰順耳不爲夭
兮文字百卷存縑箱子孫侁侁同鴈行二女貴

婿富與楊未知歸葬何土鄉臨川松栢安可忘
我爲故吏摧肝腸灑淚作雨春悲涼精魄其歸
於天乎必爲星宿還高張骨肌其歸於土乎必
爲蕙芷不滅香墓碑墓銘誰能盡其美我爲欲
傳萬古頌歐陽

吳正仲遺二物詠之

金盞子

鍾傳令公謂之醒酒花

鍾令昔醒酒豫章留此花黃金盞何小白玉椀
無瑕始入吳郎宅還歸楚客家從茲不能醉只

木言
卷四
三
二百四
恐賣流霞

疊石

十片寒湖滑千秋白浪根蒼蒼古崖色疊疊老
苔痕欲象巨鼇頂俯當科斗盆唯愁作險說平
地起崑崙

依韻和宣城張主簿見贈

韓子於文章所貴不相侷譬彼古今人同心不
同貌吉從志久慕亦以重名教鳴鍾與享鼎易
厭非苦樂祿仕不及親揚名可爲孝君方佐大
邑美錦同翦鉸遂令吾鄉民綢直無曲撓旣暇
乃作詩欲與前人較朝來忽有贈捧若管窺豹
又如捕鯨魚空自持網罩心降醉且睡昏昏不
知覺

送吳正仲婺倅歸梅谿待闕

山水東陽去未去朋親舊雪朝復朝更無越相
逃名舸猶看吳王送女潮海燕歸齊聲滿屋谿
梅開過子生條明年十月吏迎處七里灘前棹
奏簫

再送正仲

擬君杜鵑花發當杜鵑時朱袍照白日光彩生
路岐自比青鼠瓜中心如亂絲絲亂復不理况
復遠別離傾觴恨不深立馬恨不遲千山從此
隔三歲或前期爾後各寄書空識滿紙辭非如
笑言樂但有牽懷悲念昔蘇與李徘徊問何之
鐵獺新買小馬也
朝乘鐵獺上青山最滑春苔亂石間出入白雲
勝蠟屐玉驄雖貴未應閑

送回上人

因往湖州
謁吳正仲

雲出任西東飄然意莫窮山川生眼界巾舄徧
區中去去曾無着勞勞本是空梅谿人可見重
爾似泓公

送徐絳秘校罷涇尉而歸

去年茶熟君得補今來茶熟君已去心曾不計
茶有無隼在高風自騰翥昨日我送吳侯歸未
忍重臨離別處不若羣公憐襴衡相逐縱橫唯
柳絮

志來上人寄示醑醑花并壓博茶有感
京都三月醑醑開高架交垂自爲洞素葉層層
紫葢香釀歸光祿春生甕東陌西池走鈿車芳
林廣囿飛朱鞞二年不到大梁城江邊淚滴肝
腸痛况茲齒髮漸衰老已是憂愁不如衆宣城
北寺來上人獨有一叢盤嫩蕝去歲遊吳求不
得今朝還喜自持送眼底雖同往日看樽前所
憶皆成夢又置新茶采雨前烏觜壓博雲色弄
對花却酒煮香泉強詠才慙非白鳳

聞鶯

最好聲音最好聽似調歌舌更叮嚀高枝拋過
低枝立金羽脩眉墨染翎

杜鵑

蜀帝何年魄千春化杜鵑不如歸去語亦自古
來傳月樹啼方急山房客未眠還將口中血滴
向野花鮮

依韻和李察推留別

我學猶肥臆一食輒易馱君何以名虛每來車

馬淹經術素所淺道義安得漸獨有寒苦吟可
與前古兼今者抱悲哀憔悴居窮閭愁鳴無好
音亟別空顧瞻詩言留彼美欲和慙無鹽短兵
當長戈焉得不盡殲又如握枯蒿逆風乘烈炎
膏盲靡自療誰復望針砭

送李節推挈內歸寧池陽并李察推往
南康軍嫁妹二君同行

江上雙畫舸風帆或先後晚共泊蘆洲欣同幕
中友一過長風沙一住貴池口當時驄馬客今
是憑熊守每憐諸女賢與婿來爲壽上去至南
康嫁妹事箕帚不畏揚瀾險不爲廬峰秀二君
情義著我送何須酒

新開墳路

古徑約城斜鋤荒可過車直穿深篠去不比繞
村賒伐樹侵籬脚裨塍掘澗沙欲爲蘭若處松
栢屬吾家

送鄒秀才游浙

鞍傍帶劔魚皮鞞馬後攜童越葛衫度水緣山

君底急區區爲答古千巖

四月三日張十遺牡丹二朶

已過穀雨十六日猶見牡丹開淺紅曾不爭先
及春早能陪芍藥到薰風

依韻和唐彥猷華亭十詠

顧亭林

顧亭林湖在東南三十五里湖南又有顧亭林傳是顧野王居

鄉林空林木不見古人居猶尋古人跡更與古
人踈昔爲賢豪里今作魑魅墟湖邊夜夜月光
彩波上餘

寒穴

金山有寒穴出泉甘清

山頭寒泉穴淨若鏡面平熨齒敲冰冷貯鉸微
玉聲傍有野鹿跡上啼林鳥清何由一往挹况
復方病醒

吳王獵場

在華亭谷東今其地爲桑陸

孫氏有吳國四海未息戈獵以耀威武平野萬
騎羅英雄魏與蜀貔虎一何多世事異莫究但
見桑麻坡

柘湖

在南七十里吳越春秋海鹽縣淪沒爲柘湖吳地記秦時有女子入

湖為神今存其祠

拓土久陷沒千歲嗟水濱不復吳鹽邑空有秦
女神浩蕩吞海日曠闊迷天津扁舟誰能往日
暮逢漁人

秦始皇馳道

在崑山南四里有大通吳成

秦帝觀滄海勞人何得脩石橋虹霓斷馳道鹿
麋遊車轍久已沒馬迹亦無留驪山寶衣盡萬
古空冢立

陸瑁養魚池

在縣西今名瑁湖云陸瑁所居也

來觀瑁湖水乃是陸生居春塘草幾變誰膾此
中魚莫容科斗應亦有魯王餘不隨蛟龍飛神
鼈未可除

華亭谷

在縣紫紆三百里入松江

斷岸三百里縈帶松江流深非桃花源自有漁
者舟閒意見水鳥日共泛觥籌何當騎鯨魚一
去幾千秋

陸機宅

華亭谷水東有崑山即其宅機詩云髣髴谷陽水卷戀崑山陰

我思陸平原廢宅荒草深才高乃速禍事往不

可箴饑鳥噪樹顛野鼠窟庭陰黃耳亦已死家
書無復尋

崑山

華亭谷東二里有崑山陸機祖葬而生機雲人以崑山出玉以擬其

美焉

陸氏幾世祖葬此生令名猶如產美璞遂爾傳
嘉聲寒巖畜奇秀源水日東傾何言千載間二
子不更生

三女岡

在東南八十里云是吳王葬女為三岡

吳王葬三女因留此岡名已化被粲質合有蘭

蕙生嬋娟夜月照掩藹朝霧平古竄如未泯不
遠闔閭城

李獻甫於南海魏侍郎得椰子見遺

魏公番禺歸逢子蕪江口贈以越王頭還同月
支首割解為飲器津漿若美酒我獨愧先生饌
致崇師友應知愈饑渴况是懷思久

齊民要術云其俗為

之越王頭

時魚

四月時魚遶浪花漁舟出沒浪為家甘肥不入

木言
卷四十四
一
三百八
罍師口一把銅錢趁槩牙

烏賊魚

黃馬二君餉

海若有醜魚烏圖有烏賊腹膏爲飯囊兩胃貯
飲墨出沒上下波狀飮吳越食爛腸夾雕蚶隨
貢入中國中國捨肥羊啗此亦不惑

依韻和行之枇杷

予送紅梅與之

五月枇杷黃似橘誰思荔枝同此時嘉名已著
上林賦却恨紅梅未有詩

送紅梅行之有詩依其韻和

綴綴紅梅肥似蠟濛濛飛雨灑如脂吳郎齒軟
食不得翻憶張公大谷梨

送王宗望罷宣城尉歸京

南土梅已黃北人舟競發去意方若渴望林殊
未歇言歸向梁宋獨歎滯楚越行聞拜卿屬恩
下蒼龍闕

寄題南陵息亭藻閣

竹裏有清館池中多藕花日光穿岸脚水影射
簷牙柱穴蜂歸響爐檀火過窠已知民訟息漉

酒費中紗

讀問月

我讀李白問月詩乃知白也心太癡明月在上
爾在下月行豈獨君相隨白兔搗藥亦何療嫦娥
孤棲欲嫁誰古人今人被磨滅休問有來都
幾時唯有長照金樽裏此言萬世不可移但能
自醉月自落夜夜如此誰復疑一月二十二三
日半是風雨相乖離常願晴明對以飲耳邊流
水勝鳴絲

五月十日雨中飲

梅天下梅雨綏綏如亂絲梅生獨抱愁四顧無
與期妻孥解我意草草陳酒卮檻外百竿竹新
筍高過之竹色入我酒變作青瑠璃一飲眼目
光再飲言語遲三飲頽然兀左右歎我衰有鳥
從東來引頭闖深枝發聲醒我醉提壺美無疑
典衣不直錢唯是布與絺安得如古人車傍挂
鳴夷

次韻和吳季野游山寺登望文春山

山屬

城宣

楚客好山水五月上高峰峰頂望文春草樹皆
 有容身既近猿鳥心欲追喬松石壁出雲背苔
 磴千萬重下視霹靂飛忽起枯株龍却還僧居
 宿暮踐樵子蹤作詩留粉牆削藁為我封美璞
 世未識獨令和氏逢

宛陵先生集卷第四十四

宛陵先生集目錄卷第四十五

五月十七日夜夢 和題岳上人澄心亭

和馬都官溪橋 寄隱靜賢長老

和馬都官苦熱 歷陽過杜挺之

和公疎送嶼師 和示擇之盧氏石詩

逢曾子固 真州東園

行吟 僧子思以卷來見

和許待制竹拄杖 遇畫工來嵩

省符上人 沈學士知真州

送杜屯田宣倅

閱張學士出書

讀黃秘校卷

許待制歲旦生日

答宣闈司理

答鰲湖長老

和曾子進早春

酬和馬都官齊少卿

贈江寧王高士

答蕭少府卷

答孫都官卷

和王司封答卷

王高士歸建業

呂寺丞家膳

趙秘校見訪

答張令卷

和答王學士見寄

和孫浦二都官

聽張令彈琴

走筆送王琪

宣司理餉蒸鵝

目錄終

宛陵先生集卷第四十五

宋宛陵梅堯臣聖俞著

五月十七日四鼓夢與孺人在宮庭謝
恩至尊令小黃門宣諭曰今日社與卿
喜此佳辰便可作詩進來枕上口占

同謁未央殿共霑明主恩
冕旒親日月蹈舞荷
乾坤龍尾三重峻
螭頭幾級尊
德音欣社日
撫語走黃門
陰會皆如實
陽開不復存
空餘破窻
月流影到牀
垠

依韻和吳季野題岳上人澄心亭

空山舊逕綠苔滿古寺齋盂白薤蒸暑雨坐中
飛漠漠野泉林外落層層從來勝絕皆離俗未
有幽深不屬僧唯愛溪頭一尋水莫聞流浪莫
聞澄

次韻和馬都官宛溪浮橋

在昔當陽侯建橋臨大川洪波不爲阻馳道南
北連何此小溪上擬象坦且平馬頭分朱欄水
底裁碧天白雨緊大竿斷虹生橫舫游魚不可

見車騎久臨淵

寄隱靜山懷賢長老

山有枇杷樹樹多獼猴羣高僧心不着一似五
峰雲隨颺來溪口石上起氤氳果熟獼猴去自
向瀑澗分

次韻和馬都官苦熱

日光亭午時赫若鎔黃金鳴鳶不生風流雲不
成陰赤地有焦土烈野無沃霖涸潭深幽幽枯
嶽高岑岑火龍將焚鬣陽烏多渴心肌膚非木

石絺綌煩衣襟冰盤不可見空對瓊玖吟

歷陽過杜挺之遂約同入汴

滄海瀉玉自外天牛斗傍邊客正迴人說維摩
居士病我同王子雪舟來汀沙沮洳潮新落山
日瞳矇霧始開去約河隄春柳動與君吹紫步
徘徊

和胡公踈送嶼師移居寶光寺

宋日天王寺梁時太子園地猶隨世變物豈與
人存欲問移居意還應避俗喧相期唯有月夜

夜在高原

胡公踈示祖擇之盧氏石詩和之

盧肇家

袁州太守蓬山客來過盧家尋怪石盧家百物
今已空唯石難移留舊蹟埋沒尚存三四分雨
淋日炙如皴皸太守惻然呼健兒荷鋤秉鍤爭
來役健兒掘土不爲堅旋旋剗沙見圭隙漸竒
漸異人忘勞更索更深知幾尺瘦峰削出嵩華
骨虛竅鑿破蛟螭額千指曳繩車四輪擊鼓助
力歸東陌東陌頭頭湖水傍黃泥洗盡何蒼碧故

宅愈冷東湖喧貴賤競觀無礙隔太守自憐堅
直心愛少憎多屢遭謫南至蒼梧及桂林名山
徧訪無窮僻所宜厭慣不入眼向此歌吟尤愛
惜我思永叔滁陽時大誇古翠菱溪獲作詩遠
寄予與蘇高唱相隨無節拍今知賢人趣向同
玩好託情忘俗格建康從事胡公踈一見詫君
如李白雄才落筆瀉天河綴韻孤清仍險窄入
探虎穴誰爲難辭通造化方能敵殿後吾雖膽
力強獨鞭疲馬終無益

逢曾子固

前出秦淮來船尾偶攬鷺遽傳曾子固願欲一
相見順風吹長帆舉手但慕羨揚子東園頭下
馬情眷眷昔始知子文今始識子面吐辭亦何
嚴白晝忽飛霰我病不飲酒烹茶又非善冷坐
對寒流蕭然未知倦

真州東園

國賦有常計計者豈不賢日夜疲精神自鑿膏
火前新春力有餘鋤荒東乳偏壘土以起榭拙

木言 卷四十五 四 三百四十八
沼以秋蓮竹栢爲冬榮桃李爲春妍役役吳楚
艘來泊常留連下江忘其險入漕忘其遘許公
作此意吾亦見其權不獨利於己願書棠樹篇

行吟

持轡趨代北妄意希名馬代北馬如雲由來重
取舍王官待才能高下不苟且行都未脩飭黃
金誰變瓦吾當保吾真甘歸事田野

寘蟻橘林下正在結實時附緣與出入安可責
於斯養大不問細使遠不問遲遠遲必有報細
夫必有期休哉秦龍氏終自辨蛟螭

僧子思以卷來見

明珠與翡翠中國反好之詩書出鄒魯誦學無
蠻夷服彼而習此養駢安問犁古者耕釣士處
心殊處卑譬彼乃可語吾病強扶持

依韻和楊州許待制竹拄杖

楚竹翦霜叢何慙漢使筇鳩形殊用刻馬箠不
同功挺特生難變支離分已窮輕肥思比鶴短
髮任如蓬倚以爲高趣持之見素風步郊聊實

下行樂偶從東屢刺莓苔破深穿苑圃通辯繁
時畫地默意或書空古血有湘跡舊林無阮蹤
將渠誰覺老要此豈關慵莫駭傾巢鳥須虞蠹
穴蟲誰能求道術跨作上天龍

遇畫工來嵩

朝來又入揚州郭千萬中人識者誰唯有來嵩
曾畫我依稀見似昔年時

省符上人

春秋一萬八千字不問吳人楚人事佛衣儒談
世已罕節行又與其徒異往來揚州三十年曾
見華堂荆棘地獨聞依舊坐焚香尚把殘編討
遺意

沈學士景休知真州

太守旛旗近國門州民迎望若雲屯家風自有
東陽詠主道新移北海罇紅錦臂鞵觀粉質塗
金珂勒駕朱軒他時儻取春秋對莫以周襄出
鄭論

送杜君懿屯田通判宣州

京兆外郎稱善書當時相與集江都日書藤紙
 爭持去長鉤細畫如珊瑚自茲乖隔三十載始
 駕吾鄉別乘車吾鄉素誇紫毫筆因我又加蒼
 鼠鬚最先賞愛杜丞相中間喜用蔡君謨爾後
 倣傳無限數州符縣板仍抹塗鼠雖可殺不易
 得猫口奪之煩叱驅若君字大筆亦大穿墻瑣
 質無長規君到官治事餘呼諸葛試問渠

張聖民學士出

御書并法帖共閱之

又一軸蘇子美書杜懿病焉

冰膠楚舸歲將窮廣陵別乘憐老翁殷勤來邀
 強一往虛堂肴酒羅甘豐我病胃寒不下咽七
 筋謾舉叨席中主人欲客心意歡出以飛帛騰
 龍鸞刑政二字布楷法古今書帖未足觀坐間
 杜子好弄筆詆譏前輩無全完一見寶蹤天下
 妙稽首贊仰舌吻乾如此別識已太險我不頌
 詠還應難

讀黃莘秘校卷

嵇康昔彈廣陵散商聲高與宮聲緩託名山鬼

未傳人古桐，紉絲絲不斷。一聞殭卧竊其音，世間雖得能亦罕。賢明以之知盛衰，愚昧以之爲妄誕。頃年過我在蕪城，忽聽長拍去。欲懶鳳凰養，雛飛未高雞。鶩成羣，翅終短。龍章秀骨苦輕時，繼作五絃湏欸欸。

贈許待制歲旦生旦
天曆重更端，哲人茲命世。嘗聞月旦評，况是高陽裔。椒花作壽杯，爆火通鑪桂。寄龜及蒼鶴，尚以千年係。曰惟五行秀，復與明時契。他日求老成，不須從渭汭。

外士并答宣闈司理
司理義趣深，傳訓或得失。後人語雖淺，辨識猶百一。歐陽最知我，初時且尚窒。比以爲橄欖，迴甘始稱逆。老於文學人，尚不卽究悉。宜乎與世士橫爾，遭詬啣誓將默。無言負暄方抱膝，非非孰是是。都莫答問詰，歲暮宣叅軍辭如鮑。昭逸粲然傾明珠，裛我頗過實。便言楚江萍，光彩伴旭日。自慙流浪蹤，不得蒿芹匹。復爲苦硬句，酬

報強把筆

答鷺湖長老紹元示太玄圖

鷺湖有鷺吾不問鷺湖無鷺吾不疑道士須換
黃庭經釋子自明太玄辭噫嘻今此意迥與山
陰別我亦曾非逸少爲
百一過新韻曾子進早春向室出
新雷歲旦發聲嚴水管寒銷細滴簷花甲將看
枝上拆地鱗不復地中潛黃河分派來應早白
首歸朝意自恬強欲擬君爲秀句便無才思似

江淹

依韻和馬都官齊少卿酬和

同時沈宋稱二豪曾說龍門奪錦袍我對前流
接清唱泰山輕重於鴻毛

贈江寧王高士

自古江南風俗美喜君高趣慕先賢藥無遠近
寧論報家有圖書不計錢已住秦淮借風月遍
尋吳國舊山川塵纓我繫未能解每一來過駐
畫船

答蕭淵少府卷

君先大夫臨終時夢中嘗賦曉寒歌騎龍跨魚
不是誕直對上帝傳吟哦才如李賀天亦少宜
其在世尤難多文章父子不相似君今平易祖
襲那銅鐵錦聚各有用高下安得與等科大都
精意與俗近筆力驅駕能逶迤野雉五色且非
鳳知時善鳴雞若何

答孫直言都官卷

具深相割啗不如無勇人以詩而酬詩徒用多
少均我言雖至簡意切誰見親汲井欲到深磨
鑑欲盡塵寒泉與青銅光潔靡故新臨觴報嘉
貺醉語是天真

依韻王司封寶臣答卷

王家再見仲宣詩魚目盈車換斗璣自愧不從
靈蚌吐誰教相並夜蟾飛暫增光價千金重終
覺枯陳一芥微已屈至珍來彈雀恩地銜報此
能希

高士王君歸建業

風雨起春寒乘潮曉帆送目看瓜步雲心近茅
家洞忽覺柳已青來時枝尚凍羨爾向江南正
開新釀甕

呂寺丞家膳

春雨薄無泥野苗青入俎深堂開畫圖飛鳥驚
寒渚名筆今寂寥嘉賓競推許主人何太勤不
異具雞黍

趙秘校見訪

文學儒家子儒本通天人蠨蛸尚先喜吾黨何
迷津津亭一相過不笑復不嘖應此識恬泊曾
匪慢爾賓

答張令卷

嘗聞甥似舅似舅詩尤少古意得河源新聲變
春鳥讀之不敢倦十未能一曉顛倒文字間使
吾心擾擾

依韻答泰州王道粹學士見寄

君同黃鵠游海嶠我學白雲歸帝鄉已愛健翅
自鼓舞誰憐孤影猶飄揚安得相從在霄漢于

今留滯嗟繫韁欲隨輕風挹君袂滿野春雨生
迷茫

依韻和孫浦二都官展墓由大明精舍
而歸

新松煙翠入衣巾雨後岡原不起塵霜露悲懷
今正切曾非結客去尋春

拜壠忽生寒食心應緣春入感啼禽淚沾宿草
根仍凍馬立荒沙跡已深野老輟耕風料峭山
房開晝日陰森歸鞍却望原頭路暮歷輕煙物

景沈

張聖民席上聽張令彈琴

一聽履霜霜滿足再聽綠水聲綠谷我行日月
春波嫩苔沙雨侵魚目漁歌晚唱泛水來天
浸滄浪光可掬坐中此意自絃生中郎五弄人
難熟人知難熟獨善彈彈拍未終脂駕速鄭衛
古來多喜聞卒章為我歌淇澳時聖民赴齊
少卿家會

走筆送王琪

江南二月草青青送子歸時已滿汀誰信而今

有忠義祇知七日哭秦庭

宣司理餉蒸鵝

昔年相國籠之贈今日參軍饒以蒸一咀肥甘
酬短句定應無復謗言興

宛陵先生集卷第四十五

宛陵先生集目錄卷第四十六

和許待制春雪 送廣西潘提刑

大明寺平山堂 和王平甫見寄

和丁元珍見寄 王學士寄車螯

席上賦紅梅 平山堂雜言

自感 和河上寫望

和試筆偶書 和民朝謁建隆寺

和許待制宴賓 和許待制偶書

閨思 代寄王學士

和許待制病起偶書 依韻和新栽竹

和戲題 和春日偶書

和禁煙近事之什 和春日見示

和偶書相留 讀邵不疑卷

送寧鄉令張沆 和許待制送行

和不疑見答 贈張伯益

和不疑烹茶觀畫 和不疑冷淘會

獨酌偶作 答杜挺之遺鰍魚乾

目錄終

宛陵先生集卷第四十六

宋宛陵梅堯臣聖俞著

依韻和許待制春雪

密雪犯陽和寒階覆短莎
條牙摧不展鳥舌噤
應多變令已為失易消
如未苛桃花禹門水
阜晚見通波

送廣西提刑潘比部 伯恭

白麻新拜大丞相黃紙首除南省郎
欲使平刑安遠俗莫辭乘傳歷炎荒
桂林地險通椎髻陽

朔峰竒削劔鉞自有王門舊勲業且須稀作上
書囊

大明寺平山堂

陸羽烹茶處爲堂備宴娛岡形來自蜀山色去
連吳毫髮開明鏡陰晴改畫圖翰林能憶否此
景大梁無

依韻和王平甫見寄

尊王興霸國古莫重齊桓仲尼書大法亦莫重
更端文章革浮澆近世無如韓健筆走霹靂龍

虵奮潛蟠颺風何端倪鼓蕩巨浸瀾明珠及百
怪容畜知曠寬其後漸衰微餘襲猶未彈我朝
三四公合力興憤歎幸時構明堂願爲櫺與樂
期琢宗廟器願備次玉玕謝公唱西都予預歐
尹觀乃復元和盛一變誰爲難行將三十載衣
被劇織紉後生喜成功往往舞朱干君家兄弟
賢挺拔尤堅完譬彼登泰山孰辨雲徑盤忽在
高高巔兩腋猶抑翰我父知子名曾未接子驩
前者和君詩薄言慙兒肝淮南喜子來袖刺字

未漫明日聞渡江留書特相安今又獲嘉辭至
味非鹹酸

依韻和丁元珍見寄

我從江南來挂席江上正輕舟自行速不與風
力競乃省少時學強勉無佳興初如弄機杼未
解布絲經利器昧其持或反授人柄及親賢豪
游所尚志已定不厭朝市喧不須山林靜不爲
煦煦妍不爲嚴嚴冰遇物理自暢區處劇操令
仍類楚野筠忽從孤根迸便成翠琅玕又與風

霜硬雖然達吾真誰復究畢竟世間忘坦途盡
欲求密徑哂我是■踈宜乎今蹭蹬蹭蹬誠可
嗟所偶亦已併晚逢二三友喜飲恨多病道路
何遭迴季秋越春孟平生景慕者邂逅出天幸
接迹猶謂榮况此聲顏並實慙寡時用又顧無
竒行愛之不忍去自旦還至暝在昔濁世賢徒
知清酒聖但用醉爲娛一老少不更稍思桃源
人翩爾乘漁艇尋花逐水往豈念衰與乘歌謳
非俗情山響自答應以此謝君勤微言期略聽

衮衮不足爲試共幽人評

泰州王學士寄車螯蛤蜊

車螯與月蛤寄自海陵郡謂我抱餘醒江都多
美醞老來飲不滿一醉已關分甘鮮雖所嗜易
飫亦莫問嬌女巧收殼燕脂合眉暈貧奩無金
玉狼藉生恚忿妻孥喜食之婢妾困埽拚行當
至京華耳目飽塵坌此味爽口難書爲馱者訓

張聖民席上賦紅梅

吾家有嘉樹紅藥開朝霧笑杏少清香鄙梅多

俗趣江都別乘居似見句溪圃坐中勿苦疑結
子看春暮

平山堂雜言

蕪城之北大明寺闢堂高爽趣廣而意厖歐陽
公經始曰平山山之迤邐蒼翠隔大江天清日
明了了見峰嶺已勝謝眺齷齷遠視於一窻亦
笑煬帝造樓摘星放螢火錦帆落檣旗建杠我
今乃來偶同二三友得句欲霜鍾撞却思公之
文字世莫雙舉酒一使長咽慢肌高揭鼓笛腔

萬古有作心胸降

自感

左目忽昏花愁心亂劇麻文書都莫見藥物近
憑他眸子終何似形軀且願嘉唯期一開泰再
望日中鴉

我不嫌髭白白髭何自落雖然失醜衰將恐日
踈薄有生無不老歲事看秋籜一身憂已大毫
髮誰能度

二月二十八日

依韻和孫都官河上寫望

河上風煙愛此邦吳艘越舸不相降魚鯉蠢蠢
橋邊市花暗深深竹裏窓蹴踟漸知寒食近鞦
韆將立小鬟雙年光取次須偷賞何用功名節
與幢

依韻和試筆偶書

洗硯開書几拈毫喜子巢不為微物撓自向小
欄敲已逐游絲末還綠翠葉稍因知生理大不
必在重交

和張民朝謁建隆寺二次用寫望試筆

韻

荒臺殘壘舊名邦曾說王師此受降西漢衣冠
拜原廟五天龍象護經牕蜀岡井味人猶品隋
帝宮基闕尚雙自古興亡不須問風鈴閑聽響
幡幢

躍馬侵星去啼鴉未出巢春裘風易裂從騎燈
相敲紅日雙行柳黃金一抹梢乾坤功力大默
誦易中爻

依韻和許待制後園宴賓

春來無處不幽芳誰復樽前歎異鄉繞榻綺羅
觀舊艷傍池桃杏照新粧柳條拂拂牽絲嫩藥
粉輕輕落酒香聞道主公偏愛客翻思當日醉
莎場宛丘城頭有莎場臨
淄公每飲於其間

依韻和許待制偶書

曉雨射船珠瀉盤平明水上舞英殘鬪雞蹠惡
輕泥濕調馬蹄翻軟土乾深屋鷺巢將欲補密
房蠶蟻尚憂寒爲言楚客甘蔬藪白芷香牙長
嫩珊

閨思

望日赤如橘游梁音信稀
愁心常似醉春絮等閑飛
江鱖看將爛芹牙吐尚微
何時憑鷺子寄取錦書歸

代書寄王道粹學士

已具扁舟訪使君忽逢春雨起
淮濱花寒蛺蝶猶相守
水冷鴛鴦不暫分
况約他時來寄蹟何須今日去
論文解裝無復山陰興
且對荆釵與布裙

依韻和許待制病起偶書

桐柳陰陰翠色參
幔房深邃靜於巖
疾疑不是因地影
方秘曾傳白玉函
煉蜜有時蜂競至
墜羶無數蟻來啣
女奚困觸屏風響
林鳥饑尋蠹木鷓趨吏喜聞
開便閤舞姬排北翦
春衫嘉賓入幙金樽抹
賀客衝風席帽攙
談出古人非騁辨
詩陳王化不言
讒提綱勿用銖銖較
列局緣從物物監
龍腦篆香盤
屈曲虎頭彫
枕剔空嵌年踰五十
惟耽易能格
神明莫若誠

依韻和新栽竹

斲破煙叢帶筍移映軒臨檻特爲宜龍孫已見
多竒節鳳實新生入翠枝不向阮家林下集還
思渭北水邊窺一花一草公休詠慣作蘭臺侍
從詩

依韻和戲題

揚州太守重交情我欲西歸未得行寒食尚賒
花水近妻孥煎去到天明

依韻和春日偶書

甕面春醅壓嫩藍盤中鷺肉亦肥甘正宜醉夢
輕爲蝶苦怕酬詩密似蠶病起羊公方隱几歸
來陶令只乘籃河堤古木欣欣暗野水新秧拍
拍滄已向官資隨分足莫將忠憤等閒談况於
世上諸般狀不作人間一例貪陋巷自知當退
縮擁門誰解更趨叅高低趣向難爲合冷暖情
懷固飽諳勉意妻兒猶苟祿強顏冠冕未抽簪
唯公恩遇留連久頻對樽壘也負慙

依韻和禁煙近事之什

狂風暴雨已頻過近水棠梨着未多窈窕踏歌
相把袂輕浮賭勝各飛墻閒牽白日游絲颺細
鷦黃金舞帶拖小苑芳菲花鬪藥華堂嘲哢燕
爭窠西州駿馬頭如剝南國佳人頸似瑳結客
追隨傾畫榼分朋游樂藉青莎鞦韆競打遺鈿
翠芍藥將開翦纈羅我病乞求新火炙無心更
聽竹枝歌

依韻和春日見示

春雨懶從年少狂一生憔悴爲詩忙不能屑屑
隨時輩亦耻區區憶故鄉白玉笛聲親府席六
么花拍動衣香龍咽嘹唳留行月鳳翼趨踰巧
定場粉色酒容歡四座花光燭影照西墻虛榮
浪貴知多少安得如君展肺腸

依韻和偶書相留

在昔有言無不讎故於嘉詠豈宜休出奇吳國
將能戰探隱漢宮人戲闔吹笛夢來猶記曲愛
歌老去未忘謳車中變服爲秦客頭上南冠學
楚囚日求歡呼遺搏齒夜深談論廢更籌海陵

已有從游約今欲西歸且榜舟

讀邵不疑學士詩卷杜挺之忽來因出
示之且伏高致輒書一時之語以奉呈
作詩無古今唯造平淡難譬身有兩目瞭然瞻
視端邵南有遺風源流應未殫所得六十章小
大珠落紫光彩若明月射我枕席寒含香視草
郎下馬一借觀既觀坐長歎復想李杜韓願執
戈與戟生死事將壇

送寧鄉令張沆

長沙過洞庭水泊風搖石青山接夷蠻白晝鳴
鶉鷄竹存帝女啼夔學林雍鑿不嫌卑濕往教
令民須聽

依許待制送行詩韻詠鷺以寄

江鷺銜泥日深堂拂玉琴不教關閣戶乃見主
人心掠水飛殊捷迎風去已禁短書猶可記聊
影託微吟

依韻和酬邵不疑見答

君才若巨賈既富仍深藏遂兼碌碌貧共處安

可量滔滔大澤陂渺漫入幽荒徒欲窮端倪憑
高何相望一日以文繡被此糞土墻門徒三千
人起予唯卜商薄言昧纖悉懷憂思萱忘美璞
委彫琢以未知我詳但念故時朋所樂來遠方
慎勿以名使取敗非相當

贈張伯益

張伯益風義自足常遊遨醉彈琵琶聲嘈嘈雷
車急輓蛟龍號曲終放撥解紫條勇氣索筆作
小篆李斯復出秦碑高不數宣王石鼓文快捷

欲敵橫磨刀奕棋絲桐且置之衆善多取精神
勞

依韻和邵不疑以雨止烹茶觀畫聽琴
之會

彈琴閱古畫煮茗仍有期一夕風雨來目喜農
畝滋中河不阻澀舟楫亦所宜况聞新疾愈當
與嗜好睽何須顧小約豈不有他時淡泊全精
神老氏吾將師幸因答來章敢不以此咨此咨
有深理願君勤且思

依韻和不疑寄杜挺之以病雨止冷淘
會

邵杜二良守相逢欲霑醉促膝一開顏
衮衮言有味或嘆季路宜成語伯夷是各懷
忠義心要終豈同異我實踈賤軀政治未使
試預茲高古談懦志生勇氣明當饌湯餅疾
雨晦天地一日不見君何止如三歲口腹尚
乖期榮華可推類嗟嗟勿復問安恬固無媿

獨酌偶作

東路歸梁懶黃流下汴深眼穿南去翼耳冷
北來音風雨昏斜日乾坤入醉吟不憂貧且
老自有伯鸞心

答杜挺之遺鰲魚乾

百年蠹柳根半浮揭屋顛風吹欲倒寸步泥
深登岸難鰲乾助飲隣船老

宛陵先生集卷第四十六

松言

卷四十六

宛陵先生集目錄卷第四十七

觀邵不疑名畫

懷杜挺之

絕句五首

李轉運示卷

觀書

書二客

留別李學士

過山陽智洪房

淮陰侯

淮上遇風

宿洪澤

泗州郡圃四照堂

泗守矧北園

和淮上相遇

泗州觀唐氏書

得千葉樓子芍藥

併得酪及櫻桃 阻淺挺之平甫來飲

和表臣奎野亭 和表臣先春亭

和河南庾署西軒 和表臣見贈

和表臣聞諸友飲 表臣惠蜀箋硯池

和阻水見勉 聞宣叔挺之圍碁

五倩篇 釋悶

釋滯 和憶竹園山寺

和晨起見贈 李秘丞遺川牋粉紙

錢推官遺紗帽 和表臣惠醞

閱表臣畫而飲 寄送許待制知越

王司封感懷 赴表臣會呈挺之

醉中和王平甫 將解舟呈表臣

答再和 非意篇呈表臣

和錢推官見寄 答宣叔行舟相隔

力漕篇呈王發運 唐店寄錢推官

徒步訪李宣叔 答高判官

目錄終

宛陵先生集卷第四十七

宋宛陵梅堯臣聖俞著

觀邵不疑學士所藏名書古畫

野性好書畫無力能自致每遇高趣人常許出
 以視邵侯多竒玩留我特開筇首觀阮與杜驢
 上瞑目醉阮籍韓幹貌四馬臨流解鞍轡花驄
 照夜白正側各畜意繫衣穿袴靴坐立皆厩吏
 精神宛如生于腮復穿鼻梅雞徐熙花竹間寒
 雀睡逸少自寫真對鏡絕相類數本失姓名古

胡并老驥山水樹石硬荆關藝能至荆皓關種巨然
李成者落筆愈竒異人物張僧繇雖傳恐非是
其餘又莫究模搭似未備周秦已來書行草楷
篆隸聲名舊烜赫一一果可喜邵侯愛我曹咸
使紙尾記况侯有古學小字刻珉翠各贈墨本
歸懷寶誰肯忌

先至山陽懷杜挺之

與君同川途舟發偶後先順風吹我帆已過飛
鳥前寄聲託飛鳥微意或可傳定逢檣上烏暫
向彼留連薄暮楚城下踟躕問來船

絕句五首

風過巳午未肯正酒病嬰我心無慘船頭拍翅
野鴨浴水上擺子鯨魚跳

岸邊稚子戲把釣蚯蚓作餌青條長上去下來
船不定自飛自語燕爭忙

夜欲三更饑鼠鬪燈殘一點小星紅村邊坎坎
賽神鼓船底抨抨駕浪風

葑田青灰博奕局島樹墨楹煙雨圖已去揚州

梅詩
卷四十一
二百五十一
百餘里廻頭還隔幾重湖
蝦蟇豪沫爲科斗螺贏銜蟲化細腰蠹穴荒陂
有多少乾風濕雨各飛跳

淮南轉運李學士君錫示卷

李氏世能詩落落爲時豪漢陵唐太白始競二
雅高益端正封賀才各傾吳濤于今幾代孫手
持切玉刀功利旣及民又將薄風騷示我照乘
珠光彩生褐袍曾非貧家有懷歸徒增勞神物
必難秘恐隨風雨逃

觀王氏書

先觀雍姬舞六么妍葩發艷春風搖舞罷英英
書大字玉指握管濃雲飄風馳雨驟起變怪文
鱗畫飛明珠跳席客聚立驚且歎筆何勁健人
柔天昔時裴旻能劍舞丹青助氣精神超藝雖
不同意有會世事相假非一朝

書二客論呈李君錫學士

我慕杜挺之磊落高世談又愛王平甫才雄天
馬騷二人相議評最重李淮南踈踈文館彥委



澤遣人來迎

曉出淮口時夜來風已止半路逢怒濤客心愁
欲死忠信雖可仗魚鼈將異此但慕前行舟漸
入孤泖裏猶能有餘力遣助良可喜業無貳

宿洪澤

舟子起添纜夜潮同雨來寒聲相亂急遠夢自
然迴水鳥鳴還睡風燈暗復開宦游常作客未
息爲貧催

泗州郡圃四照堂

官艦客編滿淮汴車馳馬驟無閒時豈有餘力
事棟宇後園荒草長離離朱侯下車百職舉亦
治宴豆頻遊嬉梁冠爵弁各得禮道路溢譽亡
高卑因隙作堂名四照虛光轉納娥與羲面面
懸牕夾花藥春英秋藥冬竹枝射堦寬濶習武
事鏡沼清淺吹文漪侯之此意寧自樂夷情勞
士俱忘疲後來出口勤灑掃莫作厩埽生蒿藜
泗守朱表臣都官劔北園

樹藝北壕上直對高城陰使君朱輪來歌管樽

酒深風雷生淮雨雲物冒楚岑戰舸習追逐飛
凌捷水禽不獨耳目觀乃見預禦心事閑賓從
樂景美臺榭臨令人忘羈旅灑慮起微吟

依韻和誠之淮上相遇

一別逋翁久不逢亦知諸葛卧龍中幾年三致
千金富今日重追二謝風形槁已能同散木鬢
霜從聽着寒蓬飛光入酒舊時月來炤狂歌猶
未窮

泗州觀唐氏書

唐氏能書十載聞誰教精絕向紅裙百金買書
蒲葵扇不必更求王右軍

同朱表臣及諸君游樊氏園

五年前上去乃從許公過舊物此君在後生新
筍多朱櫻繁且熟黃鳥啄仍歌一一如當日乘
高柰興何

七里灣得朱表臣寄千葉樓子髻子芍

藥

誰稱爲近侍宜與牡丹尊霞綵千千葉香撩黯

黠覓紅樓思俠少寶髻奉王孫賸插不堪照顏
衰汴水渾

併日得朱表臣酪及櫻桃

昨日酪將熟今朝櫻可餐紫莼休定價黃鳥未
新殘甘滑已相美齒牙仍尚完應知消客熱遠
贈益盈盤

阻淺挺之平甫來飲

泛淮忌水大我行浩以漫泝汴忌水淺我行幾
以乾偶與困滯并將獨爲此難窮堤有來客芬
芳可與言共休綠榆陰置酒聊慰安主人雖倉
卒猶得具甘酸酸漬楚梅青甘摘夏櫻丹引觴
吞日光耳熱不復歎俛仰已陳迹未可忘茲歡
誰思費生術幻惑寧盤桓

依韻和表臣奎野亭

淮光抱城去山翠落樽前曾叟欲浮海楚人休
問天野雲將拂幔水鳥不驚船歷覽誰能賦今
聞太守賢

依韻和表臣先春亭

雜花紅間白遠樹短叅長天近春歸疾城高地
易涼千尋浮遠水五兩動連檣置酒未終樂山
煙生暝隍

和表臣河南庾署西軒

飛鳥欲下蟾生時斜光冷魄常相隨右山左水
清洗目虛簷曲檻生揚眉白魚甘肥網可得公
酒美滑盃可持臨淮使君有閑佚長橋直度來
莫遲

依韻和表臣見贈

中間會與別不啻二十年向來君之官我必贈
以篇今過臨淮郡惠好情聯聯訪我車騎都宴
我鶯花然此當舟航衝旅泊逾百千迓高而撫
下酒壺櫃食連使予一日爲立可見華顛遽行
恐勞君數里不得前三月汴水淺蹇滯無我先
君乃遺我詩盛稱我爲賢比之少陵豪望我何
太全又令人時用日堪事高眠安能事孔聖終
學美周宜勤答以明懷矢辭敢欺天

依韻和表臣聞與挺之宣叔平甫飲

舟淺不能進反羨車馬馳同行各在野有酒相
與期堤上聞禽處桑間落日時使君羊笋贈更
飲更追隨

表臣是日送
蒸羊笋束

表臣惠蜀箋借玉硯池

蜀箋琅玕池爲贈知雅故慙無右軍書亦乏左
思賦環水象辟雍紋花如織素願傳君德政况
已聞行路

表臣以阻水見勉次其韻

野叟津難問賢人酒不空行吟同去國退翼欲
乘風憂已先天下窮方坐井中予生一如此安
得免衰翁

聞宣叔挺之圍碁

人以碁銷日我觀碁輒寐未必盡死生何茲較
愚智只將多勝少復取生爲利不若酒之賢悠
然共醒醉

五倩篇

奏方響
琵琶

倩然五蛾眉妙曲動金絃犀椎玉鈴鈴龍撥雷
鞀鞀響急能愈靜意閑情常專主人昔結客一

醉百金捐觀濤來吳都遇我泗水邊夜飲向明
月非同聞隣船

釋悶吳挺之
平甫

燕丹未歸馬未角卞子抱玉無兩脚孤城食盡
兵未却度笮中懷挂一索我輩於此酒宜酌百
歲千秋柰何樂

釋滯

帝在蒼梧妃泣竹蘇武餐毛海西曲窮山遠道
車折軸深井渴汲綆不續我輩於此酒正綠貴

無柰何歡且足

依韻和表臣憶遊竹園山寺

山攜謝公妓竹似阮家林花發日初暖鳥啼春
欲深朱櫻連葉摘綠酒帶醅斟猶想聞歌吹僧
房未暇吟

依韻和挺之晨起見寄
時阻汴淺

淺水不堪泛暗灘時激聲晨都望迢遞窮旅思
屏營芳草同誰藉投壺自喚名得君晨起詠遠
遠見交情

李宣叔秘丞遺川牋及粉紙二軸

蜀人擣玉屑楚客調金粉製牋君有贈草疏我
無蘊宜書楊雄辭莫寫屈原憤誰識此意微曾
非事搔吻

錢志道推官遺紗帽

遠贈烏紗帽能無白也詩山花不更插野客莫
驚窺

次韻和表臣惠符離去歲重醞酒時與
杜挺之李宣叔王平甫飲於阻水仍有

筓醬之遺

贈以榴花酒沉清貴隔年不憂航滯磧爲汎盞
如船加品盈盤內無花到眼前還招李杜醉野
釀莫稱賢

表臣齋中閱畫而飲

嘗觀韓幹馬人物亦如生君收四病骨無肉只
崢嶸二匹痒磨樹二匹縱其情意思若不任千
里未可行古絹蠹已盡彩色無精明歎惜傳至
此幾人金帛輕隋時有名筆獨寫嚴君平猶持

杖頭錢罷肆心莫營魁然中貴人坐榻不知名
畫中有畫屏山石侔天成今時長沙叟獼猴櫺
林橫疏毛與設色前代何角爭餘存品雖高我
未易敢評主人愈好事緘筭酒壺傾

寄送許待制知越州

喜公新拜會稽章五月平湖鏡水光菡萏花迎
金板舫葡萄酒瀉玉壺漿雲歸秦望山頭靜雨
洗若耶溪上涼天子不能煩侍從可將吟詠報
時康

依韻和王司封離白沙途中感懷

淮南夜飛氛裊銷星纏歷歷轉隨杓黃童謾對
日如月賈誼休悲鵬似鴉市骨已知求駿馬韜
車何用載田驕不惟忠憤心如此王佐才高賦
小鷄

將赴表臣會呈杜挺之

莫怪去遲遲予心君亦知膝前嬌小女眼底寧
馨兒學語渠渠問牽裳步步隨出門雖不遠情
愛未能移

醉中和王平甫 用其韻

王瓜未赤方牽蔓李子纔青已近樽我最年高
雜年少風流還有杜陵孫

將解舟走筆呈表臣

昨夜謳吟瀉春酒今朝波浪下黃河主人不暇
忽忽別爲倩流鶯寄語過

答再和

舟行纔及二三里已復淺流如凍河君有短書
誰遠寄時因燕子拂檣過

非意篇呈表臣

人言厨傳繁乃是郡久例一日苟不脩未免衆
吠睨飽尚謗所興饑必愠不細損之禮漸隳存
之禮未替心莫忽賤微義莫徇貴勢我將取是
然敢以爲君計

依韻和錢深推官見寄

無才不敢學陽秋嗜酒時能問大酋前日偶從
河上飲文章何可並英遊

依韻答宣叔行舟相隔見寄

汴漲濺濺費挽牽輕舟難若上青天只知乘駛
及先去不意遲留落郟邊

力漕篇呈發運王司封寶臣

兵外肢強兵內體壯歛之盡歸歲以多餉東南
軸艦銜尾而上浮江浮淮汴汴之湍汴湍不常
水衡不官惟虞溢毀靡虞舟檠舟檠糧覆糧孰
爲足大計之數萬百惟六帛幣錯貨三倍其穀
曰主厥漕王之蓋臣日憂河涸運智煩神以舫
實土約流束津百步之間若牙與齧朝漲夕降

滯舸次鱗亟乞于朝朝不卽報下上經營風弁
日曝其躬其勤秉心有操士豈無祿視此則冒
彼以榮佚此以劬耗願答其劬錫命錫誥

四月十三日唐店寄錢推官

昨夜月如水君能攜酒來破除愁悶去洗蕩肺
腸開露氣林間落河聲地底迴相知不須早語
合自無猜

徒步訪李宣叔宣叔有詩依韻答

渡河誰道去我重子雲才鴻鴈汀洲去牛羊井

落徠乍行初覺倦暫語不能該日色看看暮將
歸意復徊

答高判官知唐君夜飲

露宿勤王客相從月下來黃流何日漲綠酒暫
時開風定燈花爛天高斗柄迴醉言多脫略吾
黨不須猜

宛陵先生集卷第四十七

宛陵先生集目錄卷第四十八

和劉原甫見贈 聞禽

表臣至十三里店 泊徐城寄二友

至第四舖二首 倡姬歎

過青陽使風 挑燈杖

蠅 蟬 鶯 雞

鶴 蛙 鳩 蚊

鹿 犬 豕 蛟

兔 魚 龜 蝦

至靈壁得換之書 暮春白杏花

午日三首 晚得菖蒲

祭猫 和酬太師相公

答贈圓覺早梅 雍丘遇雨

廟子灣下作 留侯廟下作

高車再過謝永叔 李審言諸公招會

送周都官湖倅 和答吳太祝

寄吳冲卿見寄

目錄終

宛陵先生集卷第四十八

宋宛陵梅堯臣聖俞著

依韻和劉原甫舍人赴揚州途次贈予

翩翩河中船

我船緩而西君船迅而東緩迅各所尚不意中路逢驥馬方騰雲野鶴還就籠亦言出處異同是天地中我豈不知命人空嗟其窮何當遂逸性川上作釣翁

聞禽

禽鳴脫破袴定無新易故此語莫相譏善貧知
有素

表臣都官至十三里店

風雨催車騎駸駸來自南道傍有茅屋寧容使
君驂不謂忽下馬濕衣逢我談田家已刈楚田
婦正好蠶旣將國漕急復與民事諳他年此茅
屋便比棠樹甘

泊徐城寄杜挺之王平甫

十里五里一值淺千愁萬愁過徐城王君論與
河流阻杜老談思月色清岸若屹墻空自商樹
如張蓋欲誰傾二人黨及親朝夕更晚復遲何
計程

至第四鋪二首

第四鋪前風雨急搭河過盡不憂灘却愁蓬溺
空征橐始信人間行路難

輕舟已過第四鋪憶著陽關末尾聲怊悵杜公
行底急白醪何處得同傾

僧姬歎

萬錢買爾身千錢買爾笑老笑空媚人笑死人
不要

過青陽驛使風

天應憐逆旅乞與順風初不假卒添力任從帆
自踈燕攬舟尾健鷁漱水花餘會與王都近何
須問疾徐

蠅

乘炎出何許人意以微看怒劍休追逐疑屏漫
指彈與蚊更晝夜共蜜上盃盤自有堅冰在能

令畏不難

蟬

柳上一聲蟬沙頭千里船行經朝雨後思亂暑
風前物趣時時改人情忽忽遷感新猶感舊更
復幾多年

鶯

綠柳陰猶薄黃鸝嘯已清年年舟上客處處樹
頭聲髣髴佳人語依稀太子笙夕陽聽不足飛
入舊荒城

雞

昂然大雄雞高冠紫沉羽星占太史局樹棲丞
相府知時不失晦得食曾呼伍幸無終夜鳴須
防人起舞

鶴

何時別遼海俛啄雜庭鷗去作僊人駕來乘衛
國軒雲中晴引唳松上舊能言俱說長千歲予
非學美門

挑燈杖

油燈方照夜此物用能行焦首終無悔橫身爲
發明盡心常欲曉委地始知輕若比飄飄梗何
邀世上名

蛙

陂蛙怒目生科斗亦縱橫自得君王揖能爲鼓
吹聲越人嘗入饌秦客不須驚誰解綠明月徒
誇兩股輕

鳩

一世爲巢拙長年與鵲爭欲知雲脚雨先向屋

頭鳴頸上玉花碎臆前檀粉輕何時將刻杖扶
助老夫行

積雨蚊

向晚化污積羣飛來戶庭蟪蛄許巢睫琥珀爲
留形夜色徧容蔽雷音亦感聽猶矜負山力血
食也露醒

鹿

羣處空山中跡在深松下周穆得同狼秦人指
爲馬驚顧遠世網脫質去田野誰思充暇脩自

是無全者

犬

常隨輕騎獵不獨朱門守鷹前任指蹤雪下還
狂走人思上蔡遲書寄華亭後莫將呼作龍梁
肉纔經口

豕

司原豢俗豨日見容陰昵喜比爲白麟惟憂不
豐溢烈飈澤雨作真聲向人出司原悔何由肝
膽空駭慄

蛟

橋邊三尺劒江上六鈞弧漢武帝何處周將軍
已無織綃深有室泣淚自爲珠誰爲九淵害人
猶能爾圖

兔

迷蹤在塵土衣褐戀蓬蒿有狡誰窮穴中書惜
拔毫獵從原上脫靈向月邊逃死作功勳戒良
弓合自歎

魚

洛水美頰鯉入河西去時三春登玉浪一日到
天池垂釣豈容羨小鱗應莫隨腹中無匕首已
不助吳兒

龜

王府有寶龜名存骨未朽初爲清江使因落豫
且手白玉刻佩葦黃金鑄印紐辭聘彼莊生曳
塗誠自有

蝦

自生江海涯小大形拳曲官簾織以鬚水母憑

爲目貴將蔽其私賤用資不足於物豈無助况
能參鼎肉

至靈壁鎮於許供奉處得杜挺之書及

詩

去冬過尋歷陽守江沙半遮當利口口頭沙蹙
浪如山浦淑排舟魚貫柳却畏浪高難苦留聞
解符來時不久平明挂席入揚州主人釀成百
斛酒酒上玉蛆如笑花一日倒空罌與缶主人
亦欲君舊友請我遲君同此首清明君果渡江

至與君繼舳曾無負過淮風緊到洪澤使人助
我如臂肘暮春泝泝汴流澀自假輕航去如走
千憂萬阻經靈壁留書津吏情何厚副之佳句
二十言文昌光芒夜侵斗平時相恤以此稀緩
急求之更難有風牽月挽望符離水館野亭能
駐不葛巾輕服約登步葱肫冷淘誇甚滌書中
不說王平甫應又先行君在後我今趣君君趣
王趣入大梁湏執手

求城杜寺丞大年暮春白杏花

孤素發殘枝非關比衆遲殷勤勝菖葉重疊爲
農時

午日三首

有酒不病飲况無菖蒲根空懷楚風俗角黍弔
沉寃

佳人五色縷道士絳囊符瘦臂不中繫百邪何
用驅

百草堪爲藥舟行不及收岸傍蕭與艾從聽到
寒休

晚得菖蒲

薄暮得菖蒲猶勝竟日無我焉能免俗三揖向
樽壺

祭貓

自有五白貓鼠不侵我書今朝五白死祭與飯
與魚送之于中河况爾非爾踈昔爾齧一鼠銜
鳴遶庭除欲使衆鼠驚意將清我廬一從登舟
來舟中同屋居糗糧雖甚薄免食漏竊餘此實
爾有勤有勤勝雞猪世人重驅駕謂不如馬驢

已矣莫復論爲爾聊欵欵

依韻和酬太師杜相公行

相國推心本至平欲揚蕭艾作蘭馨孤根易變
終微賤美澤難霑漫晦冥楚客嘗聞紉若若王
孫誰復顧青青東風已與生成足不敢希冀在
帝庭

依韻答僧圓覺早梅

江南自寒苦花不與時同清向三冬足香傳一
國中雲湖藏舊市雪樹認新豐未有虧冰素隨

粧入漢宮

雍丘遇雨

日暮風雨急逆水舟難牽波波入杞國悄悄誰
憂天聞聞陂中雷暮暮隄外煙驟然沃大熱蒸
飮如炊煎飲水徒脹滿渴喉殊未蠲搖篷已煩
倦汗額常不乾如何一席地長少皆在前衣巾
不敢去又以禮數纏安得化嚴石兩脛沒流泉
每暑起此念念之凡幾年終當逐逸志奚必事
華顛

廟子灣下作

廟子灣下百尺船杞人楚人相雜牽水底老蜃
倚以怪樹頭挂紙吹作錢江蛟海鷗千萬里軒
風簸日蠻島邊長安舊去天尺五此在大梁肩
嚏前高冠長劔乃不畏沙雨夜起噴腥涎

留侯廟下作

貌如女子心如鐵五世相韓韓已滅家童三百
不足使蒼海君初去相結秦皇東從博浪過力
士袖椎同決烈曉入沙中風正昏誤擊副車搜
迹絕亡命下邳圯上游老父墮履意未別顧謂
孺子下取之心始不平終折節舒足旣受笑且
去行及里所還可說可教後當五日來三返其
期付書閱他日則爲王者師果輔高皇號奇傑
留國存祠汴水傍逢逢簫鼓賽肥羊赤松不見
天地長黃石共葬丘冢荒

高車再過謝朓叔內翰

世人重貴不重舊重舊今見歐陽公昨朝喜我
都門入高車臨岸進船蓬俯躬拜我禮愈下騶

徒竊語音微通我公聲名壓朝右何厚於此瘦
老翁笑言啞啞似平昔妻子信說如梁鴻自茲
連雨泥沒脛未得謁帝明光宮冒陰履濕就稅
地親賓未過知巷窮復聞傳呼公文至黃金絡
馬聲瓏瓏紫袍寶帶照屋室飲水啜茗當清風
邀以新詩出古律霜髯屢領搖寒松因嗟近代
貴莫比官爲司空仍侍中今成冢丘已寂寞文
字豈得留無窮以此易彼可勿媿浮榮有若送
雨虹湏臾斷滅不復見唯有明月常當空况我
學不爲買祿直欲到死攀軻雄一飯足以飽我
腹一衣足以飾我躬老雖得噤不足顯願與公
去驪樂同驪樂同治園田潁水東

李審言相招與刁景純周仲章裴如晦

馮當世沈文通謝師厚師直開寶塔院

自君命我飲朝暮雨傾瓦城東與城北大道泥
沒馬敢忘主人勤顛撲困馭者衆客亦如期陳
肴藉蘭若憑裴與沈謝辯論過終賈刁周事老
成危坐言語寡酒半時謔劇揣狀類模寫或譏

項髮禿或指舌端俊或將冠帶身勸作梁武捨
謂我大耳兒此實已見假又効井市態屈強體
非雅順風手沙沙逆風口哆哆竟席屢絕倒去
忌肝膽瀉規規豈無儕達識高天下

送周仲章都官通判湖州

溪水日霏霏弁峰日峩峩中有水晶宮此名其
謂何湖水傳玉娘揚光遡常娥昔人美清夜高
樓發微歌風流百年餘所歷寸彥多我嘗居其
下醉舞或傞傞君行貳郡事結駟黃金珂容儀
苦白皙度橋鳴橐駝士女夾道看秋風吹縠羅
言是公侯家大體儂弗過問德底亦辨撐船入
菱荷應莫勸蠶織生計非杼梭

依韻答吳安勗太祝

我於文字無一精少學五言希李陵當時巨公
特推詩便將格力追西京卞和無足定抱寶乘
驥走行天下老玉已累人馬不逢皇皇何之饑
欲倒還思二十居洛陽公侯接跡論文章文章
自此日怪竒每出一篇爭誦之其鋒雖銳我敢

犯新語能如夏侯湛于今窮困人已衰不見懸
金規呂覽乃遭吾子求琢磋珠璣獲斗柰我何

吳冲卿學士以王平甫言淮甸會予予

久未至冲卿與平甫作詩凡寄答之

老馬力盡道路長豈若壯驥思騰騰項窮臨流

歎不逝燕骨埋沒庸可傷我今六十趨南北饑

腸不足面鰲黑少年心志一點無千生區區安

所得往居閭門乏經過閉戶讀書多廢食便從

冠帶向仕途強顏希祿非貪職不逢王倩昧平

生一見如舊心相傾談經樹下坐日炙酒狂便

欲騎長鯨誰意同行有遲疾入大梁凡幾日

大梁故人憐鈍衰迭為寄唱辭嚴密平章言買

羊與酒雖齒動搖能飲溢亦知紅頰教新成更

願舊朋邀六七

宛陵先生集卷第四十八



書